

# Očišćen Spomen-park Vraca

Objavljeno: 20.09.2018. u 11:27

2 

Nakon sanacije kule na prostoru Spomen-parka Vraca, Civilna zaštita Općine Novo Sarajevo očistila je šiblje i samoniklog rastinja na ovoj lokaciji



U akciji je i ove godine učestvovao općinski načelnik Nedžad Koldžo, koji je ovom prilikom izjavio da Općina Novo Sarajevo, iako se ne radi o njenoj nadležnosti, redovno izdvaja značajna sredstva za održavanje Spomen-parka, te podržava i organizuje akcije čišćenja ovog značajnog spomenika borbe protiv fašizma. To je naša moralna obaveza prema ovom simbolu otpora fašizmu, koju bi trebali ispunjavati i ostali nivoi vlasti, a kako bi se sačuvao za buduće generacije.

U akciji čišćenja učestvovali su i Javna ustanova za zaštićena prirodna područja Kantona Sarajevo, učenici Srednje škole za okoliš i drveni dizajn i njihovi profesori, te udruženje ekologa Arboretum-Botanička bašta, navodi se u saopćenju Općine Novo Sarajevo.